

Жаңалық релизi

2026 жыл 3 қыркүйек сағат 12:00 дейін (0700 UTC) жариялауға эмбарго

FREEDOM HOLDING CORP. ҚАЗАҚСТАНДАҒЫ ҚЫЗМЕТ КӨРСЕТУ САЛАЛАРЫ БОЙЫНША PMI®

Қазақ қызмет көрсету секторында тамызда белсенділік өсімі баяулады

**Іскери белсенділік пен жаңа тапсыры өсімі
бәсеңдеді**

Қызметкерлер саны одан әрі қысқарды

**Ресурсқа кететін шығын бес айдағы ең төмен
деңгейге түсті**

«Freedom Holding Corp.» ұсынған соңғы PMI® деректері үшінші тоқсан ортасында Қазақ қызмет көрсету саласындағы іскери белсенділік өсімі баяулағанын көрсетті, дегенмен өндіріс көлемі қатарынан бесінші ай өсіп келеді.

Белсенділік өсімінің бәсеңдеуі жаңа тапсырыс санының азаюымен қатар келді. Фирмалар да қызметкерлер санын одан әрі қысқартты.

Қызмет көрсету саласындағы компаниялар келер 12 айдағы іскери белсенділік келешегіне қатысты шілдеге қарағанда сенімдірек болды, ал инфляциялық қысым бәсеңдеу үстінде.

Негізгі көрсеткіш — Іскери белсенділік индексі. Ол өткен аймен салыстырғандағы іскери белсенділік ауқымы қалай өзгергені туралы жалғыз сауалға берілген жауап негізінде есептеледі. Индекс 0 мен 100 аралығында ауытқиды, 50-ден жоғары мән өсімді, ал 50-ден төмен қысқаруды білдіреді. Индекс маусымдық ауытқуларға сәйкес түзетіледі.

Freedom Holding Corp. PMI Іскери белсенділік индексі тамызда Қазақстан бойынша қызмет көрсету саласындағы белсенділік бесінші ай қатарынан өскенін көрсетті. Шілдеде 13 айдағы ең жоғары көрсеткіш 54,1 болған индекс тамызда 51,9-ға дейін төмендеп, өндіріс өсімі анағұрлым баяулап, осы өсім кезеңіндегі ең әлсіз көрсеткішті тіркеді. Сөйте тұра, белсенділік жалғасуда және индекс ұзақ мерзімді орташа 49,4 мәнінен жоғары болды.


Респонденттер Қазақ қызмет көрсету саласындағы белсенділік өсіміне жаңа тапсырыстар ауқымының ұлғаюы ықпал етті.

Жаңа тапсырыстар да баяу өсті, бірақ өсім қарқыны тұрақты және өсу кезеңі алты айға дейін ұласты. Сауалнама қатысушылары бұл өсімді негізгі сұраныстың артуымен, тиімді маркетингтік шаралар, жаңа клиенттер тарту және жаңа бизнес модельдерді енгізумен байланыстырып отыр.

Бұған қоса, Қазақстандағы қызмет көрсету провайдерлері штат санын аздап азайтуын жалғастырды, салдарынан тамызда жұмыспен қамту жетінші ай төмендеді. Жұмысшылар саны азайған компаниялар, келісімшарт мерзімінің аяқталуы, қызметкерлерді ақысыз демалысқа

Freedom Holding Corp. Қазақстандағы қызмет көрсету салалары бойынша PMI

Индекс, маус.түзету, >50 = өткен аймен салыстырғанда өскен (айма-ай өскен)



Деректер 2026 жылдың 12-25 тамызы.

Дереккөз: Freedom Holding Corp. S&P Global PMI. ©2026 S&P Global.

Пікір

Салтанат Мухамбеталиева, Freedom Holding Operations ЖШС Экономикалық зерттеулер және талдау бөлімінің басшысы:

"Қазақстанның қызмет көрсету саласы жылдың екінші жартысының басында өсім аймағында сақталды. Дегенмен жаңа тапсырыстар легінің бәсеңдеуі іскери белсенділіктің баяу өсуіне ықпал етіп, сектор өткен аймен салыстырғанда біраз қарқынын жоғалтты. Негізгі деректер өсім жағынан жылжымайтын мүлік компаниялары әлі көш басында екенін көрсетті.

Сондай-ақ фирмалар жұмыс күшін ұлғайтуға әлі де асығар емес, жұмысқа белсенді қабылдау үшін, айтарлықтай қарқынды өсім мен келер жылға деген сенім жоғары болуы қажет екенін көрсетті. Дегенмен баға қысымының бәсеңдеуі, сондай-ақ кейбір фирмалардың жеңілдіктер мен акциялар ұсынуы салдарынан қызмет құнының аздап көтерілуі секторға қарқынды сақтап, әрі оны бұдан ары күшейтуіне көмектесуі мүмкін".

жіберу және компанияларды қайта құрылымдау жүргенін атап өтті. Дегенмен қысқарту қарқыны елеусіз, жалпы алғанда осы төмендеу кезеңіндегі орташа көрсеткішке сай болды.

Бағаға келсек, Қазақстандағы қызмет көрсету провайдерлері тамызда отын, энергия, көлік және жұмыс күшінің қымбаттауына байланысты ресурс құнының күрт өсуіне тап болды. Бұл шығындар клиент қалтасына түсті. Дегенмен дайын өнім бағасының өсу қарқыны бірқалыпты әрі тарихи мәннен төмен болды, өйткені кейбір қызмет көрсетуші фирмалар сауда көлемін арттыру мақсатында жеңілдіктер мен акциялар ұсынуға кеткен шығынның бір бөлігін өздері көтерді. Ресурс шығындары мен дайын өнім бағасының инфляция қарқыны соңғы бес және үш айдағы ең төмен деңгейде тіркелді.

Осылайша, Қазақстанның қызмет көрсету саласындағы бизнес оптимизм шілдедегі алты айлық ең төмен деңгейден кейін, тамызда аздап қалпына келді. Оң көңіл-күйге бизнесті кеңейту жоспары, клиенттер базасын ұлғайту, маркетингке жұмсалатын шығынды көбейту және қосымша қызмет түрін іске қосу ықпал етті. Сөйте тұра, сенім деңгейі ұзақ мерзімді орташа көрсеткіштен төмен болды, сауалнамаға қатысушылардың үштен біріне жуығы алдағы 12 айда белсенділік өзгеріссіз қалады деп күтеді.

FREEDOM HOLDING CORP. ҚАЗАҚСТАН БОЙЫНША АРАЛАС PMI

Тамызда жеке сектордағы өндіріс көлемі қайта қысқарды

Қазақстанның Аралас PMI® Өндірістік индексі шілдедегі 51,5 мәнінен және бейтарап 50,0 мәнінен төмендеп, тамызда 49,3 мәніне түсті. Индекс көрсеткен өндірістің қысқаруы аздаған болса да, ол төрт айға созылған өсу кезеңін аяқтады. Бұл құлдырауға өңдеу өнеркәсібі өндірісінің күрт азаюы мен қызмет көрсету саласындағы өсім қарқынының айтарлықтай баяулауы себеп болды.


Жаңа тапсырыстар да соңғы бес айда алғаш рет тамызда қысқарды. Секторлық тенденциялар бұрынғыша әралуан, өңдеуші өнеркәсіптердегі тапсырыстар күрт азайып, қызмет көрсету провайдерлері тіркеген өсімді басып озды.

Жұмыспен қамту қатарынан жеті ай бойы төмендеді. Жұмыс орындарын қысқарту қарқыны бірқалыпты және шілдедегіден өзгерген жоқ.

Сонымен бірге тамызда қызмет көрсету саласындағы үрдістерге қарай инфляциялық қысым бәсеңдеді. Екінші жағынан, өңдеу өнеркәсібінде ресурс құны мен дайын өнім бағасы қарқындырақ өсті.


Осылайша, іскери сенім тарихи стандарттарға қарағанда төмен болса да, шілдемен салыстырғанда жақсарды. Көңіл-күй қызмет көрсету провайдерлері мен тауар өндірушілердің арасында да көтерілді.

■ PMI Ресурс бағасы ■ Баға белгілеу бойынша PMI
Индекс, маус.түзету, >50 = өткен аймен салыстырғанда инфляция



Дереккөз: Freedom Holding Corp, S&P Global PMI. ©2026 S&P Global.

■ Қазақстан бойынша аралас PMI Жалпы ішкі өнім (GDP) ■
Өндірістік индекс, маус.түзету, >50 = өткен айға қарағанда өскен % ж/ж



Дереккөз: Freedom Holding Corp, S&P Global PMI. ©2026 S&P Global.

Байланысушы тұлға

Салтанат Мухамбеталиева
Экономикалық зерттеулер
және талдау басшысы
Freedom Holding Operations
saltanat.mukhambetaliyeva@frhc.group
Freedom Holding Corp

Марьям Балуч
Экономист
S&P Global Market Intelligence
T: +44 (0) 1344 327 213
maryam.baluch@spglobal.com

Қоғаммен байланыс
департаменті
Freedom Finance Global PLC
pr@ffin.kz
Freedom Holding Corp

Ханна Брук
ЕМЕС елдері бойынша
коммуникация менеджері
S&P Global Market Intelligence
T: +44 7483 439 812
hannah.brook@spglobal.com
press.mi@spglobal.com

Егер S&P Global жаңалықтар релизін алғыңыз келмесе
press.mi@spglobal.com поштасына хабарлаңыз. Біздің
құпиялық саясатымыз туралы [осы тұстан](#) оқыңыз.

Әдістеме

Freedom Holding Corp. Қазақстандағы қызмет көрсету салалары бойынша PMI® 250 жуық өндіруші компанияның сату жөніндегі менеджерлеріне жіберген сауалнамаға берілген жауаптер негізінде S&P Global әзірлеген.

Қамтылған салалар арасында тұтыну (бөлшек саудадан басқа), көлік, ақпарат, коммуникация, қаржы, сақтандыру, жылжымайтын мүлік және бизнес қызметтер бар. Бұл панел ЖІӨ-дегі үлесіне қарай нақты салалар мен компанияның жұмыс күшінің ауқымы бойынша жіктелген. Дерек жинау 2019 ж. наурыз айынан басталды.

Сауалнама жауаптары әр айдың екінші жартысында жиналады және оның алдындағы аймен салыстырғандағы өзгеріс бағытын көрсетеді. Таралу индексі әр сауалнама айналымы үшін есептеледі. Индекс - «жоғары» жауаптар пайызының қосындысы және «өзгермеген» жауаптар пайызының жартысы. Индекс 0 мен 100 аралығында құбылады, 50-ден жоғары мән алдыңғы аймен салыстырғандағы жалпы өсімді, 50-ден төмен жалпы қысқаруды білдіреді. Индекс маусымға қарай түзетіліп отырады.

Негізгі көрсеткіш қызмет көрсету саласындағы іскери белсенділік. Бұл алдыңғы аймен салыстырғанда іскерлік белсенділік ауқымының өзгерісі жайлы сауалға сүйеніп есептелетін таралу индексі. Қызмет көрсету саласындағы іскери белсенділік индексі өндірістегі өнім өндіру индексімен пара-пар. Ол «Қызмет көрсету бойынша PMI» аталғанымен өнім өндіру бойынша PMI негізгі көрсеткіштерімен пара-пар бола алмайды.

Аралас Өндірістік Индекс- Өндірістегі өнім өндіру индексі мен Қызмет көрсету саласындағы іскери белсенділік индексінің орташа мәні. Мәндер ресми ЖІӨ деректеріне сәйкес өнім өндіру және қызмет көрсету секторларындағы салыстырмалы ауқымды көрсетеді. Аралас Өндірістік Индекс «Аралас PMI» деп аталғанымен өнім өндіру бойынша PMI негізгі көрсеткіштерімен пара-пар бола алмайды.

Базалық сауалнама деректері жарияланған соң қайта қаралмайды, бірақ маусымдық түзету факторлары қажет кезде қайта қаралуы мүмкін, бұл маусымға орай түзетілген кейбір деректерге ықпал етеді.

PMI сауалнама әдістемесі туралы толық ақпарат алу үшін economics@spglobal.com поштасына жазыңыз.

Freedom Holding Corp.

Freedom Holding Corp. әртарапандырылған қаржылық қызмет көрсететін компания, брокерлік қызметпен, бағалы қағаздар саудасымен, инвестициялық зерттеулермен және консультация берумен, инвестициялық банктік және андеррайтингтік қызметтермен, ипотекамен, сақтандырумен, телекоммуникациямен, әуе билеттері мен мәдени және спорттық іс-шараларға билеттерді онлайн сатумен айналысады, онлайн супермаркет қызметтерін және басқаларын ұсынады.

Freedom Holding Corp. компаниясының еншілес компанияларын ескере отырып, 11,3 мыңнан астам қызметкері бар.

Холдингтің бөлімшелері мен еншілес компаниялары Қазақстан, АҚШ, Кипр, Польша, Испания, Өзбекстан, Әзірбайжан және басқаларын қоса алғанда 21 елде орналасқан.

Freedom Holding Corp. компаниясының жай акциялары АҚШ-тың Бағалы қағаздар және биржалар жөніндегі комиссиясында тіркелген және Nasdaq Capital Market-те FRHC тикерімен саудаланады.

www.freedomholdingcorp.com

S&P Global

Негізгі ақпаратты жеткізуші S&P Global (NYSE: SPGI). Үкімет, компаниялар және жеке тұлғалар сенімді шешім қабылдауы үшін, біз оларға қажет нақты деректер, тәжірибе және жүйеленген технология ұсынамыз. Клиенттердің жаңа инвестицияларды бағалауына көмектесіп, оларға ESG мәселесі бойынша кеңес беріп, жеткізу тізбегіндегі энергияның жаңа көзіне ауысуына ықпал ету арқылы біз жаңа мүмкіндіктер ашамыз, мәселелерді шешіп, бүкіл әлемдік прогресті тездетеміз.

Әлемдегі көптеген жетекші компаниялар кредит рейтингін жасау, мақсатты көрсеткіштер, әлемдік капитал, шикізат және автокөлік нарығындағы еңбек ағынын басқару әрі талдау мақсатында бізге жүгінеді. Әр ұсыныс арқылы біз әлемдегі жетекші ұйымдардың болашағын бүгін болжуына көмектесеміз.

www.spglobal.com

S&P Global ұсынған PMI

Сату менеджерлері индексі™ (PMI®) сауалнамалары қазір 40 астам мемлекетте, оған Еуроаймақты қоса отырып, маңызды өңірлерде жүргізіледі. Бұл аса мұқият зерделенетін әлемдік бизнес сауалнама, ол уақтылы, дәл және әдетте ай сайынғы экономикалық трендтердің айрықша индикаторы болатын деректерді ұсынатындықтан, орталық банктер, қаржы нарықтары, бизнестегі шешім қабылдаушы тұлғалар арасында танымал.

www.spglobal.com/marketintelligence/en/mi/products/pmi

Ескерту

Осы құжаттағы мәліметтердің зияткерлік меншігі не лицензиясы S&P Global және/немесе оның еншілес компанияларына тиесілі. S&P Global алдын-ала жазбаша мақұлдаспаса деректі кез-келген түрде рұқсатсыз қолдану, оның ішінде есепсіз көшіру не басқаша пайдалануға тиым салынады. S&P Global осы құжатта баяндалған мазмұн немесе ақпарат («Деректер»), Деректердегі кез келген қателік, шатасу, олқылық немесе кідірістерге қатысты және соларға сүйеніп жасалған әрекеттерге қатысты ешқандай жауапкершілік, міндеттеме немесе жүктеме алмайды. S&P Global Деректі қолданудан туған кез-келген арнайы, кездейсоқ немесе жанама шығындар үшін жауап бермейді. Сату менеджерлерінің индексі™ және PMI® сауда белгісі - S&P Global Inc тіркеген немесе S&P Global Inc және оның еншілестері лицензияланған сауда белгісі.

Бұл контентті S&P Global Ratings емес S&P Global Market Intelligence жариялады және алдыңғы аталған ұйым S&P Global құрамындағы жеке құрылым. Тиісті тараптан алдын-ала жазбаша рұқсат алмаған жағдайда рейтингді қоса («Контент») ақпаратты, дерек пен материалды көшіріп басуға тиім салынады. Сол тарап, оның еншілестері мен жеткізушілері («Контент жеткізушілері») кез-келген Контенттің нақтылығы, адекваттылығы, толыққандылығы, уақтылы болуы, оған қол жеткізілуіне кепілдік бермейді және (салғырттық немесе басқа) себебіне қарамастан кез-келген қателік немесе мүлт кетуге, осындай Контентті қолданудан туған нәтижеге жауап бермейді. Контент ұсынушылар ақпаратты кез-келген қолданудан туындаған (кірісті немесе пайданы жоғалту және балама шығындарды қоса алғанда) кез келген залал, шығын, зиян, сот алымдары немесе қаржылай шығыстар үшін жауапкершілік алмайды.